

Menningar- og ferðamálasvið Reykjavíkur f.h. Reykjavíkurborgar kt. 530269-7609 og Dansverkstæðið, kt. 560710- 0700, gera með sér svofelldan:

### **SAMSTARFSSAMNING**

um fjárstuðning Reykjavíkurborgar við Dansverkstæðið - vinnustofu sem eru félagasamtök fyrir sjálfstætt starfandi danshöfunda á tímabilinu 1. janúar 2021 til 31. desember 2023.

#### **1. gr. Markmið og framlag Reykjavíkurborgar**

Meginmarkmið með samstarfssamningi þessum er að styðja við þróun danslistar í Reykjavíkurborg og stuðla að því að skapa vettvang fyrir að greinin geti þróast í borginni. Með Dansverkstæðinu er verið að skapa aðstöðu fyrir danslistina og nauðsynlegt vinnurými á viðráðanlegum kjörum svo að nýjar hugmyndir verði að veruleika.

Á samningstímanum skuldbindur Reykjavíkurborg sig til að greiða Dansverkstæðinu fjárhæðina kr. 17.000.000,- árlega á tímabilinu 2021-2023.

Greiðsla framlags skiptist þannig á ári hverju:

kr. 1.400.000,- 1. - 3.ja hvers eftirtaldrá mánaða, janúar-október

kr. 1.500.000,- 1. - 3.ja hvers nóvember-desember.

Framlag borgarinnar greiðist inn á bankareikning Dansverkstæðisins nr. 513 - 26 – 42010, kt. 560710-0700.

Framlög Reykjavíkurborgar vegna árána 2022 og 2023 eru með fyrirvara um samþykkt fjárhagsáætlunar þeirra ára. Verði gerð umtalsverð breyting til lækkunar á fjárveitingu til samningsins á fjárhagsáætlun taka aðilar upp viðræður um aðlögun samstarfsins að breyttri fjárveitingu.

#### **2. gr. Forsaga, markmið og framlag Dansverkstæðisins**

Samtök um danshús voru stofnuð í september árið 2010 og er rekstur Dansverkstæðisins liður í því markmiði samtakanna að koma á fót danshúsi sem þjónar danslistinni á breiðum grunni. Með opnun Dansverkstæðisins við Skúlagötu varð í fyrsta sinn héraendis til húsnæði þar sem dansinn var í fyrirrúmi. Það hefur nú þegar skilað miklu til danssamfélagsins og sviðslista almennt. Dansverkstæðið er eini vettvangur sjálfstætt starfandi dansara og danshöfunda, og hefur skapað nýjan og frjóan grundvöll til samstarfs og tengslamyndunar. Þann 1. ágúst 2017 missti Dansverkstæðið húsnæði sitt við Skúlagötu en Reykjavíkurborg náði samningum við Reiti fasteignafélag hf., eiganda að Hjarðarhaga 45-47 og leysir þar með húsnæðisvanda Dansverkstæðisins til ársins 2032. Í húsnæðinu að Hjarðarhaga 45-47 eru þrjú dansstúdíó sem og góð funda- og skrifstofuaðstaða.

Dansverkstæðið vinnur að því að auka gæði og faglega þróun listdansins með því að þjóna danslistamönnum á breiðum grundvelli. Unnið er að markmiðum með eftirtöldum hætti:

- Vinnuaðstaða fyrir dans- og sviðslistafólk
- Reglulegum þjálfunartímum fyrir atvinnudansara
- Námskeiðum sem tengjast dansi, líkamsþjálfun og líkamsvitund
- Þverfaglegum námskeiðum sem tengja dansara við aðrar listgreinar
- Gestavinnustofum fyrir innlenda og erlenda gestalistamenn
- Virkri þátttöku í alþjóðlegum samstarfsverkefnum

- Aðsetri fyrir fagfélag innan danslistarinnar, líkt og Reykjavík Dance Festival og Félag íslenskra listdansara
- Kynningarstarfi og samskiptum innanlands

Dansverkstæðið opnar rými sín fyrir þátttöku í borgarhátíðum s.s. Menningarnótt og Barnamenningarhátíð. Jafnframt kynnr það danslistina fyrir börnum og fjölskyldum þeirra með námskeiðum og öðrum viðburðum.

### **3. gr. Ábyrgð**

Dansverkstæðið ber ábyrgð á að starfsemi þess fullnægi kröfum um fagmennsku og gæði. Dansverkstæðið ber ábyrgð á skuldbindingum sem það eða aðilar á þess vegum stofna til í tengslum við þennan samning. Dansverkstæðinu er með öllu óheimilt að framselja greiðslur samkvæmt samningi þessum til þriðja aðila og setja hann með öðrum hætti til tryggingar fjárskuldbindingu.

### **4. gr. Kynningarmál**

Á öllu kynningarefni Dansverkstæðisins hérlandis jafnt sem erlendis, skal koma fram að Dansverkstæðið sé styrkt af Reykjavíkurborg og skal Dansverkstæðið birta merki Reykjavíkurborgar á kynningarefni sínu.

### **5. gr. Samskipti og eftirlit**

Skrifstofa menningar- og ferðamálasviðs Reykjavíkurborgar er tengiliður samningsins við Dansverkstæðið. Samráðsfundur samningsaðila skulu haldnir í maí eða júní ár hvert 2021-2023, þar sem farið verður yfir framkvæmd samningsins og tillögur að áherslum Dansverkstæðisins fyrir komandi starfsár. Skrifstofustjóri menningarmála skal boða til fundanna. Dansverkstæðið skal á árlegum fundum leggja fram áætlun um rekstur og starfsemi yfirstandandi árs og árituðum ársreikningi fyrra árs.

### **6. gr. Vanefndir og meðferð ágreinings**

Telji Dansverkstæðið hættu á að geta ekki uppfyllt samningsbundnar skyldur sínar skal tengilið Reykjavíkurborgar, skrifstofu menningar- og ferðamálasviðs, tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð, er Reykjavíkurborg heimilt að fella niður greiðslur þar til Dansverkstæðið hefur sýnt fram á að það muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum, áskilur Reykjavíkurborg sér rétt til að krefjast endurgreiðslu framlagsins að hluta eða öllu leyti eða rifta samningnum.

### **7. gr. Gildistími**

Samningur þessu er gerður í samræmi við samþykkt fjárhagsáætlun Reykjavíkurborgar 2021 er samþykkt var í borgarstjórn þann 15. desember 2020. Samningurinn gildir til 31. des. 2023. Samningurinn er gerður í tveimur samhljóða eintökum og heldur hvor samningsaðili sinu eintaki.

### **8. gr. Breytingar á samstarfssamningnum**

Samningur þessi er lýsing á samningssambandi aðila, réttindum þeirra og skyldum og gengur framar fyrri skuldbandinum, munnlegum og skriflegum eða öðrum samskiptum. Viðbætur við samning skulu vera skriflegar og undirritaðar af samningsaðilum.

### **9. gr. Staðfesting og meðferð ágreiningsmála**

Samningurinn er gerður með fyrirvara um samþykkt borgarráðs og samþykkt fjárhagsáætlunar Reykjavíkurborgar vegna árána 2022 og 2023. Rísi mál út af samningi þessum skal það rekið fyrir Héraðsdómi Reykjavíkur.

Öllu framangreindu til staðfestu rita forsvarsmenn aðila nöfn sín undir samning þennan.

Reykjavík, x. janúar 2021

F.h. Reykjavíkurborgar

F.h. Dansverkstæðisins,